

Тазкия дарслари (231-дарс) Алоҳида таваккул қилинадиган мақомлар

ТАЗКИЯ
231-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Тасаввуф ҳақида тасаввур», «Рухий тарбия» 1-2-3-жузи ва «Хислатли ҳикматлар шарҳи» 1-2-3-4-5-жузи китоблари асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.



19:00 / 21.05.2023 1810

Ҳаётда ҳар бир ҳолатда Аллоҳ таолога таваккул қилиш матлубдир. Шу билан бирга, Қуръони Каримда Набий соллаллоҳу алайҳи васалламга ва мўминларга алоҳида таваккул қилиш мақомлари ҳам кўрсатиб ўтилган. Уларни Ферузободий ўзининг «Басоиру зави тамйиз фий латоифил китабил азиз» номли китобида келтирган:

1. Агар нусрат ва кушойиш истасангиз, У Зотга таваккул қилинг.

Аллоҳ таоло Оли Имрон сурасида марҳамат қилиб айтадики:

ذَا فَمَنْ يَخَذُ لَكُمْ وَإِنْ لَكُمْ غَالِبَ فَلَا اللَّهُ يَنْصُرُكُمْ إِنَّ

الْمُؤْمِنُونَ فَلْيَتَوَكَّلِ اللَّهُ وَعَلَىٰ بَعْدِهِ مَنِ انصُرَكُمْ الَّذِي ١٦٠

«Агар сизга Аллоҳ нусрат берса, сиздан ғолиб келувчи йўқ. Агар сизни ёрдамсиз ташлаб қўйса, Ундан ўзга ким ҳам сизга ёрдам берар эди?! Мўминлар Аллоҳгагина таваккул қилсинлар» (160-оят).

2. Қачон душманларингдан юз ўгирсанг, рафиқинг таваккул бўлсин.

Бу ҳақда Аллоҳ таоло шундай деб марҳамат қилади:

وَكَيْلًا بِاللَّهِ وَكَفَى اللَّهُ عَلَىٰ وَتَوَكَّلْ عَنْهُمْ فَأَعْرِضْ ﴿٨١﴾

«Бас, улардан юз ўгир ва Аллоҳга таваккул қил. Вакилликка Аллоҳнинг Ўзи кифоя қилур», деган (Нисо сураси, 81-оят).

3. Қачон халойиқ сендан юз ўгирса, таваккулга суян.

Тавба сурасида айталганидек:

عَلَيْهِ هُوَ إِلَّا إِلَهَ لَا إِلَهَ حَسْبِيَ فَقُلْ تَوَلَّوْا فَإِن

الْعَظِيمِ الْعَرْشِ رَبُّ وَهُوَ تَوَكَّلْتُ ﴿١٢٩﴾

«Бас, агар юз ўгирсалар, сен: «Менга Аллоҳнинг Ўзи етарли. Ундан ўзга илоҳ йўқ, Унгагина таваккул қилдим, У буюк Аршнинг Роббидир», дегин» (129-оят).

4. Қачон сенга Қуръон тиловат қилинса ёки уни ўзинг тиловат қилсанг, таваккулга суян.

Аллоҳ таоло мўминлар ҳақида шундай деб марҳамат қилади:

وَإِذَا قُلُوبُهُمْ وَجِلَتْ لِلَّهِ ذِكْرَ إِذَا الَّذِينَ الْمُؤْمِنُونَ إِنَّمَا

يَتَوَكَّلُونَ رَبَّهُمْ وَعَلَىٰ إِيْمَانًا زَادَتْهُمْ ءَايَاتُهُ عَلَيْهِمْ تُلِيَتْ ﴿٢﴾

«Албатта, Аллоҳ зикр қилинса, қалблари ларзага келадиган, уларга оятлари тиловат этилса, иймонларини зиёда қиладиган ва Роббларига таваккул қиладиганларгина мўминлардир» (Анфол сураси, 2-оят).

5. Қачон бир қавм ўртасида сулҳ ва ислоҳни талаб қилсанг, унга таваккул ила васила излагин.

Зеро, Аллоҳ таоло тинчлик истовчи ва таваккул қилувчиларни билади:

السَّمِيعُ هُوَ إِنَّهُ، اللَّهُ عَلَىٰ وَتَوَكَّلْ لَهَا فَاجْنَحَ لِلْسَّلَامِ جَنَحُوا وَإِن

الْعَلِيمُ ﴿٦١﴾

«Агар улар тинчликка ён боссалар, сен ҳам шунга ён бос. Ва Аллоҳга таваккул қил. Албатта, У Ўзи ўта эшитувчидир, ўта билувчидир» (Анфол сураси, 61-оят).

6. Қазои қадар карвони етиб келса, уни таваккул билан кутиб ол. Чунки Аллоҳ таоло мўмин бандаларини шунга буюрган:

وَعَلَىٰ مَوْلَانَا هُوَ لَنَا اللَّهُ كَتَبَ مَا إِلَّا يُصِيبَنَا لَنْ قُلْ

﴿٥١﴾ الْمُؤْمِنُونَ فَلْيَتَوَكَّلِ اللَّهُ

«Сен: «Бизга Аллоҳ ёзиб қўйган нарсадан ўзгаси зинҳор етмайди. У бизнинг Хожамиздир. Мўминлар Аллоҳгагина таваккул қилсинлар», деб айт» (Тавба сураси, 51-оят).

7. Қачон душманлар макр тузоғини қўйса, сен у ерга таваккул ила кир.

Аллоҳ таоло шундай деб марҳамат қилади:

عَلَيْكُمْ كَبْرًا كَانَ إِنْ يَنْقُومِ لِقَوْمِهِ قَالَ إِذْ نُوحِيَ نَبَأٌ عَلَيْهِمْ وَأَتَىٰ

فَأَجْمَعُوا تَوَكَّلْتُ اللَّهُ فَعَلَى اللَّهِ بِعَايَتِ وَتَذَكِيرِ مَقَامِي

إِلَىٰ أَقْضَوَاتِهِمْ غُمَّةٌ عَلَيْهِمْ أَمْرُكُمْ يَكُنْ لَكُمْ وَشُرَكَاءَ كُمْ أَمْرُكُمْ

إِنْ أَجْرٌ مِّنْ سَأَلْتُمْ فَمَا تَوَلَّيْتُمْ فَإِنْ ﴿٧١﴾ تُنظِرُونَ وَلَا


﴿٧٢﴾ الْمُسْلِمِينَ مِنْ أَكُونَ أَنْ وَأُمِرْتُ اللَّهُ عَلَىٰ إِلَّا أَجْرِي

«Уларга Нуҳнинг хабарини тиловат қилиб бер. Ўшанда у ўз қавмига деди: «Эй қавмим, агар сизларга менинг мақомим ва Аллоҳнинг оятлари ила эслатишим оғир келаётган бўлса, бас, мен Аллоҳгагина таваккул қилдим. Сиз эса «шериклар»ингиз билан биргаликда ўз ишингизни бошлайверинглар. Яна ишингиз ўзингиз учун ноаниқ бўлмасин. Сўнгра менга нисбатан ҳукмингизни ижро этаверинглар, менга муҳлат берманглар. Бас, агар юз ўгирсангиз, сизлардан ҳеч қандай ажр сўраганим йўқ. Менинг ажрим фақатгина Аллоҳнинг зиммасидадир. Ва мусулмонлардан бўлишга амр қилинганман» (Юнус сураси, 71-72-оятлар).

8. Қачон барчанинг қайтар жойи Аллоҳга эканини ва ҳамманинг тақдири Аллоҳда эканини билсанг, таваккул тўшагидан ўзинг учун жой ол.

Чунки Аллоҳ таоло бундай деб марҳамат қилади:


كُلُّهُمُّ أَلَمْرُ يُرْجَعُ وَإِلَيْهِ وَالْأَرْضِ السَّمَوَاتِ غَيْبٌ وَلِلَّهِ

تَعْمَلُونَ عَمَّا يُغْفِلُ رَبُّكَ وَمَا عَلَيْهِ وَتَوَكَّلْ فَأَعْبُدْهُ 

«Осмонлару ернинг ғайб(илм)и Аллоҳга хосдир. Ишнинг барчаси Унга қайтарилур. Бас, Унга ибодат қил ва Унгагина таваккул қил. Роббинг қилаётган амалларингиздан ғофил эмасдир» (Худ сураси, 123-оят).

9. Аллоҳ таоло ҳақиқий Ягона Зот эканини тушуниб етган бўлсанг, Ундан ўзгага суянма.

Аллоҳ таоло Раъд сурасида марҳамат қилиб айтадики:

مَتَابٍ وَإِلَيْهِ تَوَكَّلْتُ عَلَيْهِ هُوَ إِلَّا إِلَهَ لَا رَبِّي هُوَ قُلْ 

«Сен: «У менинг Роббимдир, Ундан ўзга илоҳ йўқ. Унгагина таваккул қилдим. Тавбам ҳам Унинг Ўзигадир», деб айт» (30-оят).

10. Ҳидоят Аллоҳ таолодан бўлганидан кейин уни шукр ва таваккул ила кутиб ол.

Аллоҳ таоло Иброҳим сурасида айтганидек, мўминларнинг асосий қуроли сабр ва таваккулдир:

سُبُلَنَا هَدَيْنَا وَقَدْ أَلَّ اللَّهُ عَلَيَّ نَتَوَكَّلُ إِلَّا لَنَا وَمَا

۱۲ اَلْمُتَوَكِّلُونَ فَلْيَتَوَكَّلِ اللَّهُ وَعَلَىٰ ءَاذِيْتُمْوْنَا مَا عَلَىٰ وَلِنَصْبِرْ

«Бизга нима бўптики, Аллоҳга таваккул қилмас эканмиз?! Ҳолбуки, У бизни йўлимизга ҳидоят қилди. Ва сиз берган озорларга албатта сабр қиламиз. Таваккул қилувчилар Аллоҳагина таваккул қилсинлар», деган (12-оят).

11. Агар Аллоҳ таолонинг душманларидан ва шайтоннинг ёмонлигидан қўрқсанг, таваккулга юзлан.

Чунки иймон келтирган ва Аллоҳ таолога таваккул қилганлар Унинг паноҳида бўладилар. Бу ҳақда Аллоҳ таоло шундай деб марҳамат қилади:

۹۸ الرَّجِيمِ الشَّيْطَانِ مِنَ اللَّهِ فَاسْتَعِذْ الْقُرْآنَ قَرَأْتَ فَإِذَا

رَبِّهِمْ وَعَلَىٰ ءَامَنُوا الَّذِينَ عَلَىٰ سُلْطَانٍ لَهُ لَيْسَ إِنَّهُ

يَتَوَكَّلُونَ ﴿٩٩﴾

«Қачон Қуръон ўқисанг, Аллоҳдан қувилган шайтондан паноҳ сўрагин. Албатта, иймон келтирганларга ва Роббларига таваккул қилганларга у(шайтон)нинг ҳукмронлиги йўқ» (Наҳл сураси, 98-99-оятлар).

12. Агар ҳар вақт Аллоҳ таоло сенинг вакилинг бўлишини истасанг, ҳар вақт таваккулни маҳкам тут.

Аллоҳ таоло шундай деб буюради:

وَكَيْلًا بِاللَّهِ وَكَفَى اللَّهُ عَلَىٰ وَتَوَكَّلْ ﴿٨١﴾

«Бас, улардан юз ўгир ва Аллоҳга таваккул қил. Вакилликка Аллоҳнинг Ўзи кифоя қилур» (Нисо сураси, 81-оят).

13. Агар Аллоҳ таолонинг муҳаббатига сазовор бўлишни истасанг, таваккул мақомида бўл.

Чунки Аллоҳ таоло фақат Ўзига таваккул қилувчиларни севади. Ва буни алоҳида таъкидлаб айтадики:

الْمُتَوَكِّلِينَ يُحِبُّ اللَّهُ إِنَّ اللَّهَ عَلَىٰ فَتَوَكَّلْ ﴿١٥٩﴾

«Аллоҳга таваккул қил. Албатта, Аллоҳ таваккул қилувчиларни севадир» (Оли Имрон сураси, 159-оят).

«Руҳий тарбия» китобининг 2-жузи асосида тайёрланди